



Dia seis di maart venidero un cuarto pa ocho e compositor y pianista Rufo Wever, kende despues di añanan largo di "silencio"; lo presenta dilanti di camara di Tele-Aruba, dunando pueblo di Aruba e oportunidad pa sera conoci atrobe cu e gran musico Arubano aki, kende pa motibu di un desgracia trahico añanan largo a tene su mes for di bida publico.

E principal obheto di e programa a aki ta pa presenta na T.V. e genio musical compositor y pianista Arubano RUFO WEVER. Rufo ta masha conoci na Aruba y ultimamente su programa radial "MEI ORA CU RUFO WEVER" tabatin hopi exito y a peticion di masha hopi hende cu ta desea di mira Rufo actua, firma N.V. WINKELS HANDEL MIJ., a interesa haci esaki pa complacé henter publico Arubano via di television.

Rufo a nace na Aruba y ya desde m.o.m. 12 aña e tabata toca piano.

Cu su 15 aña Rufo, hunto cu su amigonan Wewe y Twai Croes, Tom y Boysie Lampe, Clemente Lacle y Sjemmie Coronel a forma e prome Jazz-Band Arubano "MELODY BAND", cual e tempo ey tabata e gran sensacion den tur fiestanan na Aruba.

Poco despues Rufo a cuminsa cu ponemento di piezas pa Cahi' orgel, cual ta algo cu e mes a sinja su curpa sin ningun maestro. Rufo ta e unico Arubano cu a logra domina e dificil arte aki.

Rufo a cuminsa compone piezas cu su 18 aña y su prome composicion musical ta e popular wals "ARUBANITA", cual tabata e unico wals cu a worde balia pa Su Mahestad Reina Juliana durante su bishita na Antillas. Lo cual Rufo ta considera un gran honor pa e mes.

Rufo su composicionnan ta numeroso. Algun di nan ta e himno di Aruba, "ARUBA DUSHI TERRA", cual Rufo a compone hunto cu su gran amigo y colega, "PADU DEL CARIBE". Un otro ta "ANTILLENHUIS WALS", cual el a dedicá na Su Exc. Minister Plenipotenciario, W.F.M. Lampe.

Algun otro mas ta e Wals, "ARUBA", cual ta e prome composicion Arubano cu a worde toka na Radio CUROM, interpretada pa un gran orquesta di Corsow; e bunita bolero "ALGUN DIA SERE FELIZ", e tumban nan "PARRANDEROS y TIENDA NOBO", e musica di e calipso "CARNAVAL" y e bunita wals di cuatro parti titula "ANNETTE", cual el a compone dedica na su Mama.

Ariba discos cu a worde grabá na Aruba tin un gran cantidad di su composicionan y igualmente riba discos grabá na Corsow y varios composiciones ariba discos estranheros.

Den bida di hende sa tin momentonan dificil y hasta desastrozo y esaki a socede cu Rufo varios aña pasa ora, siendo masha popular como musico, a pase un desgracia automovilistico den cual el a perde algo cu menos un pianista por falta, esta su bira robez.

A consecuencia di esaki Rufo a retira practicamente completo for di bida publico.

El a kere cu nunca mas lo e por toka, pero su gran amor pa musica y cu gran forza di boluntad y cu ayudo di un braza artificial e a logra inventa un moda cu toch e por toka y cu ya a causa hopi admiracion di su amigonan y conocirnan.

(Anuncio)